



Minggu, 21 Mei 2023
Ogen: Johanes 4:6-10



“Mbangun Percakapen”



Komunikasi entah percakapen seh kel perluna i tengah-tengah kegeluhen. Adi la lit komunikasi/percakapen tentu kai pe labo banci i lakoken dengen suasana banci kaku. Perluna mbangun percakapen gelahna sura-sura/tujun banci tersehi.

Contoh si sederhana ituriken kerna perluna mbangun percakapen eme: lit sada keluarga, dua ngenca anakna. Anak si pertama ersura-sura lako erbahan sada usaha janah anak si nomor dua ersura-sura lako nerusken persekolahenna. Subuk erusaha bage pe nerusken sekolah tentuna membutuhkan biaya si mbelin, emaka bas sada paksa ercakup me keluarga enda empatna gelahna banci jore kerina kerna rencana-rencana segelah tujun entah pe sura-sura banci idalanken. Kesimpulen arah percakapen si ibangun keluarga enda, maka subuk anak situa ras singuda banci seh bagi i surakenna duana.

Percakapen Jesus ras diberu Samaria i tepi sumur Jakup, labo terjeng dungi tapi rikut pe mpeturah semangat ras kiniteken diberu Samaria e. Jesus mbangun percakapen si la nalahken diberu e aminna ieteh Jesus nge kai si terjadi bas kegeluhen diberu Samaria tapi Jesus mabai diberu e guna ngidah ras ngangkai sura-sura Dibata si banci idalankenna bas kegeluhenna. Percakapen si ibangun Jesus mereken semangat man diberu Samaria.

Mbangun sada percakapen banci ndungi persoalen; nesehi sura-sura; mereken semangat ras kiniteken man teman-teman. Mbangun percakapen erbahansa turah pengangkan bas diri kalak si ercakup.